

Powšitkowne WOZJEWJENJA

njedźelu, 14. apryla 2019

Přiležnosć k swjatej spowědži w Róžeńce

póndźelu, 15. apryla farar M.Anders, farar T. Dawidowski,
18.30 – 19.30 hodź. farar G. Nawka, farar J. Magiera

wutoru, 16. apryla farar M. Anders, farar D. Dzikiewicz,
18.30 – 19.30 hodź. farar dr. B. Dittrich, farar dr. S. Foelz

Přeco sobotu je do Božeje mše za lud a kraj, kotraž so we 8 hodź. zahaji, přiležnosć k swjatej spowědži.

Křižowy puć młodžiny

Serbska dekanatna młodžina budže so bołmončku, 14. apryla w Radworju křižowy puć modlić. Započatk je w 14 hodź. w cyrkwi.

Póstny wopór dekanatneje młodžiny

Z lětušim póstnym woporom podpěruje dekanatna młodžina ponowjenje domu „Emmaus“ na Kukowskim hrodzišću. Wotpowědne listowe wobalki su w cyrkwjach wupložene.

Film wo cistercienskach na arte

Telewizijny scelak arte wusyła bołmončku, 14. apryla, w 15.35 hodź. w rjedže třidželneje dokumentacije wo wotkazanju cistercienskow 50 mjeńšin trajacy film, w kotrymž wěnuje so mjez druhim klóštrej Marijinej hwězdze w Pančicach-Kukowje.

TCM hromadži za Malawi

Hladajo na scěhi tropoweho wichora Idai, kotrehož dla su hoberske kónčiny afriskich krajow Mosambik, Malawi a Simbabwe powodžene, chce Towarstwo Cyrila a Metoda z.t. (TCM) ze swojej akciju „Łužica pomha“ woporam pomhać a prosy za nich wo pjenježne dary. Zwisk do Malawija nawjaza wone přez Christinu Smolinu ze Swinjarnje. Wona je wot 2012 do 2013 a spočatk lěta 2017 w Malawiju jako wučerka a baba skutkowała, tehdy hišće jako rodžena Pólkec z Kulowa. Wona wudžeržuje k rjadnicam dale zwisk. Wone chcedža dary z Łužicy njeposrědnje biskopej dale sposrědkować, zo by je wón potřebnym rozdźělil. Štóž chcył wurjadnu akciju podpěrać, njech přepokaza swój dar na konto towarstwa pola banki LIGA: Cyrill-Methodius-Verein e.V., IBAN: DE 65 750 90 300 000 828 23 66, hesło: Malawi.

Křižerjo a zawěsćenje

Nastupajo zawěsćenje kołowokoło křižerjow je přinošk, kotryž je Katolski Posoł k tomu před třomi lěty wozjewił, dale aktualnje pod www.posol.de (tam pod „křižerjo a zawěsćenje“) přistupny. Deleka na tutej stronje je link na tekst w němskej rěči podaty, zdobom pod němskej stronu www.posol.de/deutsch a tam pod „Osterreiter und Versicherung“.

Časowy přehlad křižerskich procesionow

Přehlad časow křižerskich procesionow kaž tež čara, po kotrejž na tam a dom pojedha, je na internetowej stronje www.posol.de pod „Časy křižerskich procesionow“ podaty. Přehlad je serbsce a němsce zestajany.

Zamyslenje we wopomnišću

Na „Wulkopjatkowne zamyslenje“ přeprašuje Smochčanski Dom biskopa Bena wulki pjatk, 19. apryla, w 10 hodž. do Budyskeho wopomnišća na Weigangowej. Hósć budu Christian Dertinger z Lipska, jedyn ze synow přnjeho wonkowneho ministra NDR. Georg Dertinger bě sam politiski jaty w Budyšinje.

Zamyslenje z hudźbu w Smochćicach

Na hudźbne zamyslenje w rjedže Smochčanskeho jewišća přeprašuje Dom biskopa Bena wulki pjatk, 19. apryla, w 19.30 hodž. Mjez druhim zaklinči „Stabat mater“ Fedele Fenarolija a „voces intimae“ Jeana Sibeliusa. Wječor wuhotuje Budyski ansambl Chordophone zhromadnje z hosćimi.

Program k projektej „Swětło pozbudža“

We wobłuku wuměłstwoweho projekta „Swětło pozbudža“ wotměje so tutu njedzelu, 14. apryla, we 18 hodž. pasionska vesper w Budyskej Marije-Marcínej cyrkwi. Hudźbny nawod změje Yuko Ikeda. Monolog „Judas“ Lota Vekemansa předstaji Drježdžanske Statne dźiwadlo samsny dzeń w 19.30 hodž. w Dźiwadle na hrodže. W monologu powěda so stawizna přeradjenja Jězusa z perspektiwu přeradnika.

Za młodu młodžinu wotměje so wutoru, 16. apryla, wot 19 do 20 hodž. tak mjenowana křižna džěłarnička. Dzeń rozpominanja z wuměłcom Ludgerom Hinsu přewjedže Budyska Biskopska Montessorijowa zakładna šula srjedu, 17. apryla, dopołdnja. Wón změje samsny dzeń wot 18.30 do 21.00 hodž wodženje, a to wosebje za swójbne a domowe kružki. Start je w tachantskej cyrkwi.

Dwurěčnu Božu mšu změja zeleny štwórtk, 18. apryla, w 19 hodž. w Budyskej tachantskej cyrkwi. Tomu přizamknu so modlerske hodžiny jednotliwych skupin wosady. Wěriwi su na nyšpor wulki pjatk, 19. apryla, w 9.00 hodž. do tachantskeje cyrkwe přeprašeni. W Marije-Marcínej cyrkwi změja w 14.30 hodž. nyšpor k Jězusowej smjertnej hodžinje, na kotrejž zaklinči wot Johanna Sebastiana Bacha skomponowany pasion po swjatym Janu. Nawod změje cyrkwinski hudźbny direktor Michael Vetter. W tachantskej cyrkwi swjeći katolska wosada liturgiju wulkeho pjatka zhromadnje z wuměłcom Ludgerom Hinsu.

Swjatu sobotu, 20. apryla, su wěriwi w 9.00 hodž. k nyšporu do tachantskeje cyrkwe přeprašeni. Wječor we 18 hodž. hraje na Hrodžišku (Protschenberg) pozawnowy chór pod nawodom Yuka Ikedy k jutram. Jutrownu nóc swjeća serbscy a němscy katolscy wěriwi w 21.00 hodž. w tachantskej cyrkwi. Na tutech kemšach wupóscelu a požohnuja křižerjow.

Jutrowničku, 21. apryla, swjeća na Tuchorskim kěrchowje w 6.00 hodž. nyšpor k zrowastanjenju. Křižerjow wužohnuja w 10.45 hodž. při cyrkwi Našeje lubeje knjenje. Jich wočakuja wokoło 16.00 hodž. při tachantskej cyrkwi.

W tachantskej cyrkwi poskići so jutrońčku w 17.00 hodž. pišćelowy koncert z twórbami Johanna Sebastiana Bacha, Maxa Regera a Charlesa-Marije Widora. Hrać budu cyrkwinski hudźbny direktor Michael Vetter.

Cyłkowny program projekta „Swětło pozbudža“ je pod www.posol.de wozjewjeny.